



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<23>> հուլիս 2021թ.

## Ո Ր Ո Շ ՈՒ Մ No. 1899-Ա ՖԻԶԻԿԱԿԱՆ ԱՆՁԻ ԿՈՂՄԻՑ ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս, քննարկելով ֆիզիկական անձ Ալբերտ Խաչատուրի Խաչատրյանի վերաբերյալ վարչական վարույթի նյութերը,

### Պ Ա Ր Զ Ե Ց Ի

Համաձայն հարկային պարտավորությունների հաշվարկման վերաբերյալ 14.02.2020թ. թիվ 198/2020/ԿՈՒՎ4/Ն տեղեկանքի (տեղեկանքը կցվում է)՝ ֆիզիկական անձ Ալբերտ Խաչատուրի Խաչատրյանի /ՀՎՀՀ՝ 37468297, ՀԾՀ՝ 3003370600, հասցե՝ ԼՂՀ, Ճարտար /Մարտունի// չկատարած հարկային պարտավորությունը 14.02.2020թ. դրությամբ կազմել է 943.443 դրամ, որից հարկ՝ 497.400 դրամ, տույժ՝ 197.343 դրամ, տուգանք՝ 248.700 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, չկատարված հարկային պարտավորությունը գանձելու վերաբերյալ վարչական ակտ ընդունելու նպատակով 15.07.2021թ. հարուցված վարչական վարույթի մասին հարկ վճարողը պատշաճ կերպով ծանուցվել է, սակայն չի ներկայացել վարույթի նյութերին ծանոթանալու համար և որևէ բացատրություն չի տվել:

Համաձայն ՀՀ պետական եկամուտների կոմիտեի մաքսային մարմինների կողմից ստացված տեղեկությունների՝ ֆիզիկական անձ Ալբերտ Խաչատուրի Խաչատրյանի կողմից 2017 թ. ՀՀ տարածք է ներմուծվել ՀՀ կառավարության 30.07.2015թ. թիվ 865-Ն որոշմամբ սահմանված ակնհայտ առևտրային չափաքանակը գերազանցող, շրջակա միջավայրին վնաս պատճառող և 5 տարուց ավելի թողարկման տարեթիվ ունեցող տրանսպորտային միջոց:

Իրավահարաբերության ծագման պահին գործող <<Ավելացված արժեքի հարկի մասին>> ՀՀ օրենքի (ուժը կորցրել է 01.01.2018թ.) 3.1 հոդվածի 3-րդ մասի համաձայն՝ ֆիզիկական անձը հանդիսացել է ԱԱՀ պարտավորություն կրող և <<Հայաստանի հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին>> ՀՀ օրենքի 8-րդ հոդվածին համապատասխան՝ <<Անուղղակի հարկերի մասին>> արձանագրության 20-րդ կետի կիրառության իմաստով ապրանքների ներմուծման դեպքում հարկ վճարողը պարտավոր է նույն օրենքի 7-րդ հոդվածի 2-րդ մասով սահմանված ժամկետում իր հաշվառման վայրի հարկային մարմին ներկայացնել ներմուծողի լրացրած ներմուծման հարկային հայտարարագիրը:

Իրավահարաբերության ծագման պահին գործող «Բնապահպանական և բնօգտագործման վճարների մասին» ՀՀ օրենքի (ուժը կորցրել է 01.01.2018թ.) 10-րդ հոդվածի 2-րդ մասի համաձայն՝ ԵՏՄ անդամ հանդիսացող պետություններից ՀՀ ներմուծվող՝ շրջակա միջավայրին վնաս պատճառող ապրանքների համար վճարը հաշվարկում է ներմուծողը՝ այդ ապրանքների համար «Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքով սահմանված կարգով որոշվող ավելացված արժեքի հարկով հարկման բազայի (առանց այդ ապրանքների համար օրենքով սահմանված կարգով հաշվարկված ակցիզային հարկի գումարի) հիման վրա (վճարի հաշվարկման բազա) և պետական բյուջե է վճարում մինչև այդ ապրանքների ՀՀ տարածք փաստացի ներմուծելու (<<պետական սահմանը հատելու) օրն ընդգրկող ամսվան հաջորդող ամսվա 20-ը ներառյալ: Նույն պարբերությունում նշված բնապահպանական վճարի հաշվարկը ներառվում է «Անուղղակի հարկերի հաշվարկման և վճարման առանձնահատկությունների մասին» ՀՀ օրենքով սահմանված կարգով և ժամկետներում հարկային մարմին ներկայացվող ներմուծման հարկային հայտարարագրում:



ՀՀ ՊԵՏԱԿԱՆ  
ԵԿԱՄՈՒՏՆԵՐԻ  
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57  
Կայք՝ [www.petekamutner.am](http://www.petekamutner.am) Էլ. փոստ՝ [secretariat@petekamutner.am](mailto:secretariat@petekamutner.am)

Ֆիզիկական անձ Ալբերտ Խաչատուրի Խաչատրյանի կողմից 2017թ. ընթացքում իրականացված վերոնշյալ ներմուծման գործարքի(ների) մասով ներմուծման հարկային հայտարարագիր չի ներկայացվել և չի վճարվել ԱԱՀ-ի և բնապահպանական վճարի գծով պարտավորությունը:

Արդյունքում սույն որոշմամբ գանձման ենթակա օրենքով սահմանված ժամկետում չկատարված պարտավորությունը կազմում է 943.443 դրամ, որից հարկ՝ 497.400 դրամ (ԱԱՀ-ի գծով՝ 248.700 դրամ, բնապահպանական վճարի գծով՝ 248.700 դրամ), որը հաշվարկվել է իրավահարաբերության ծագման պահին գործող <<Ավելացված արժեքի հարկի մասին>> ՀՀ օրենքի 9-րդ և «Բնապահպանական վճարների դրույքաչափերի մասին» ՀՀ օրենքի 4-րդ հոդվածների համաձայն, տույժ՝ 197.343 դրամ, որը հաշվարկվել է ՀՀ հարկային օրենսգրքի 447-րդ հոդվածի համաձայն, տուգանք՝ 248.700 դրամ, որը հաշվարկվել է իրավահարաբերության ծագման պահին գործող <<Հարկերի մասին>> ՀՀ օրենքի 24-րդ հոդվածի համաձայն:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասին 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 6-րդ մասով, և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 59, 88 հոդվածներով,

### Ո Ր Ո Շ Ե Ց Ի

1. Ֆիզիկական անձ Ալբերտ Խաչատուրի Խաչատրյանից գանձել 943.443 դրամ պարտավորության գումար համաձայն ստորև ներկայացված աղյուսյակի՝

### 14.02.2020թ. դրությամբ չկատարված հարկային պարտավորությունները գանձելու վերաբերյալ

| Գ/Գ | Հարկի և այլ պարտադիր վճարի տեսակը | Հաշվարկված հարկ/վճար |         | Հաշվարկված տույժ | Հաշվարկված տուգանք | Ընդամենը | Չափման միավորը՝ դրամ |              |
|-----|-----------------------------------|----------------------|---------|------------------|--------------------|----------|----------------------|--------------|
|     |                                   | առաջացման ամսաթիվ    | գումար  |                  |                    |          | Վճարման ուղղությունը | Հաշվի համարը |
| 1   | 2                                 | 3                    | 4       | 5                | 6                  | 7        | 8                    | 9            |
| 1   | ԱԱՀ                               | 20.07.2017           | 248.700 | 197.343          | 248.700            | 943.443  | պետական բյուջե       | 900008000490 |
| 2   | Բնապահպանական վճար                | 20.07.2017           | 248.700 |                  |                    |          | պետական բյուջե       | 900008000490 |

2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Հարկ վճարողի չկատարված պարտավորությունների գանձման վերաբերյալ հարկային մարմնում առկա մեկից ավելի վարույթների շրջանակներում ընդունված և ուժի մեջ մտնող որոշումներով գանձման ենթակա ընդհանուր պարտավորությունը 1.500.000 ՀՀ դրամ գումարը գերազանցելու դեպքում, որոշումներն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:

Կատարող՝

Իրավաբանական վարչության հարկադիր գանձման և պարտավորությունների կատարման ապահովման բաժին  
Լուսինե Զաղացպանյան  
հեռ.՝ 011-549-191 (9168)



ՀՀ ՊԵՏԱԿԱՆ  
ԵԿԱՄՈՒՏՆԵՐԻ  
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57  
Կայք՝ www.petekamutner.am Էլ. փոստ՝ secretariat@petekamutner.am

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ՎԵՐԱԲԵՐՅԱԼ**

Ստորև կատարվում է հարկային պարտավորությունների հաշվարկ՝ ինքն ընդունելով ՀՀ ՊԵԿ մաքսային մարմինների կողմից ստացված տեղեկությունները, այսպես.

ՀՀ ՊԵԿ մաքսային մարմինների կողմից ստացված տեղեկությունների համաձայն՝ ֆիզիկական անձ **ԱԼԲԵՐՏ ԽԱՉԱՏՈՒՐԻ ԽԱՉԱՏՐՅԱՆԻ** կողմից (հաշվառման հասցե՝ **ԼՂՀ ՃԱՐՏԱՐ(ՄԱՐՏՈՒՆ) ՀՇՀ՝ 3003370600 ՀՎՀՀ՝ 37468297**) ԵԱՏՄ անդամ պետություններից ՀՀ տարածք է ներմուծել շրջակա միջավայրին վնաս պատճառող **ԱՏԳԱԱ 870423** ապրանքային դիրքին դասվող և 5 տարուց ավելի թողարկման տարեթիվ ունեցող հետևյալ տրանսպորտային միջոցը, որի մասով ՀՀ կառավարության 30.07.2015թ. N865-Ն որոշմամբ՝ ԵԱՏՄ անդամ երկրից ներմուծման դեպքում ակնհայտ առևտրային չափաքանակը սահմանված է 0.

- 20/06/2017 թվականին ներմուծվել է **KAMA3 35511** մոդելի **1989** թվականի արտադրության տրանսպորտային միջոցը, որի ինվոյսային արժեքը կազմել է **1243500** ՀՀ դրամ:

Ներմուծված տրանսպորտային միջոցի(ների) մասով «Ավելացված արժեքի հարկի» մասին օրենքի 3.1 հոդվածի 3-րդ կետի համաձայն ֆիզիկական անձը հանդիսացել է ԱԱՀ պարտավորություն կրող և «Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածին համապատասխան՝ «Անուղղակի հարկերի մասին» արձանագրության 20-րդ կետի կիրառության իմաստով ապրանքների ներմուծման դեպքում հարկ վճարողը պարտավոր է նույն օրենքի 7-րդ հոդվածի 2-րդ մասով սահմանված ժամկետներում իր հաշվառման վայրի հարկային մարմին ներկայացնել ներմուծողի լրացրած ներմուծման հարկային հայտարարագիրը:

«Բնապահպանական և բնօգտագործման վճարների մասին» ՀՀ օրենքի (մինչև 01.01.2018թ. գործող խմբագրությամբ) 10-րդ հոդվածի 2-րդ մասին համապատասխան ԵՏՄ անդամ հանդիսացող պետություններից ՀՀ ներմուծվող՝ շրջակա միջավայրին վնաս պատճառող և 5 տարուց ավելի թողարկման տարեթիվ ունեցող ապրանքների համար վճարը հաշվարկվում է ներմուծողը՝ այդ ապրանքների համար «Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքով սահմանված կարգով որոշվող ավելացված արժեքի հարկով հարկման բազայի (առանց այդ ապրանքների համար օրենքով սահմանված կարգով հաշվարկված ակցիզային հարկի գումարի) հիման վրա (վճարի հաշվարկման բազա) և պետական բյուջե է վճարում մինչև այդ ապրանքները ՀՀ տարածք փաստացի ներմուծելու (ՀՀ պետական սահմանը հատելու) օրն ընդգրկող ամսվան հաջորդող ամսվա 20-րդ ներառյալ: Նույն պարբերությունում նշված բնապահպանական վճարի հաշվարկը ներառվում է «Անուղղակի հարկերի հաշվարկման և վճարման առանձնահատկությունների մասին» ՀՀ օրենքով սահմանված կարգով ու ժամկետներում հարկային մարմին ներկայացվող ներմուծման հարկային հայտարարագրում:

Ֆիզիկական անձի կողմից 2017 թվականի ընթացքում վերը նշված ներմուծման գործարքի(ների) մասով ներմուծման հարկային հայտարարագիր չի ներկայացվել և չի վճարվել բնապահպանական վճարի ու ԱԱՀ-ի գումարները, նման պայմաններում հարկային պարտավորությունների հաշվարկը կատարվում է հետևյալ կերպ.

«Ավելացված արժեքի հարկի մասին» ՀՀ օրենքի 9-րդ հոդվածի համաձայն՝ վերոնշյալ գործարքից հաշվարկվում է ԱԱՀ 20% դրույքաչափով **248700 ՀՀ դրամ [1243500x20%]:**

«Բնապահպանական վճարների դրույքաչափերի մասին» ՀՀ օրենքի 4-րդ հոդվածին համապատասխան՝ նշված տրանսպորտային միջոցի ներմուծման մասով բնապահպանական վճարը կազմում է **248700 ՀՀ դրամ [1243500x20%]:**

ՀՀ հարկային օրենսգրքի(այսուհետ՝ Օրենսգրքը) 447-րդ հոդվածի 2-րդ և 5-րդ մասերի համաձայն՝ հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.15 տոկոսի չափով՝ յուրաքանչյուր ժամկետանց օրվա համար, բայց ոչ ավելի, քան 365 օրվա համար **122360 ՀՀ դրամ (14.02.2020 թվականի դրությամբ) [248700x164x0.15%+248700x164x0.15%]:**


Մինչև ժամանակ Օրենսգրքի 447-րդ հոդվածի 6-րդ մասի համաձայն՝ օրենսգրքին ուժի մեջ մտնելու օրվան հաջորդող ժամկետանց յուրաքանչյուր օրվա համար հարկ վճարողը կամ հարկային գործակալը տույժը վճարում է 0.075 տոկոս չափով, այդ թվում՝ նաև այն դեպքում, եթե տույժերի հաշվարկը սկսվել է մինչև Օրենսգրքին ուժի մեջ մտնելը և Օրենսգրքի 447-րդ հոդվածի 7-րդ մասի համաձայն՝ մինչև Օրենսգրքին ուժի մեջ մտնելը սկսված և Օրենսգրքին ուժի մեջ մտնելու օրվա դրությամբ դեռևս չավարտված տույժերի հաշվարկը Օրենսգրքին ուժի մեջ մտնելուց հետո շարունակվում է մինչև հաշվարկի 365-րդ օրը լրանալը՝ 0.075 տոկոսի չափով՝ **74983 ՀՀ դրամ (14.02.2020 թվականի դրությամբ) [248700x201x0.075%+248700x201x0.075%]:**


Օրենսգրքի 447-րդ հոդվածի 1-ին մասի և «Հարկերի մասին» ՀՀ օրենքի 24-րդ հոդվածի համաձայն՝ հարկ վճարողների (հարկային գործակալների) կողմից հարկային մարմին ներկայացվող հաշվարկը (հայտարարագիրը, հաշվետվությունը) սահմանված ժամկետից ուշ ներկայացվելու կամ չներկայացվելու դեպքում այդ ժամկետին հաջորդող յուրաքանչյուր 15 լրացած օրվա համար հարկ վճարողներից (հարկային գործակալներից) զանձվում է տուգանք՝ հաշվարկված հարկի ընդհանուր գումարի 5 տոկոսի չափով՝ **248700 ՀՀ դրամ (14.02.2020 թվականի դրությամբ) [248700x20x5%]:**

Այսպիսով, Ֆիզիկական անձի կողմից չկատարած հարկային պարտավորությունների գումարը 14.02.2020 թվականի դրությամբ կազմում է՝ **943443 դրամ:**

Միաժամանակ Ձեզ տեղեկացվում է, որ հարկային պարտավորությունները հաշվարկվել են 14.02.2020 թվականի դրությամբ և ենթակա են վերահաշվարկման լրացուցիչ նյութերի ու փաստաթղթերի առկայության և ներկայացման դեպքում:

ԿԱՄԵՐԱԼ ՈՒՍՈՒՄՆԱՍԻՐՈՒԹՅՈՒՆՆԵՐԻ ԵՎ ՎԵՐԼՈՒԾՈՒԹՅԱՆ ԹԻՎ 4 ԲԱԺՆԻ ՊԵՏ

 ԼՐԱՆԱԶԻՐԱՎՅԱԼ

ԿԱՄԵՐԱԼ ՈՒՍՈՒՄՆԱՍԻՐՈՒԹՅՈՒՆՆԵՐԻ ԵՎ ՎԵՐԼՈՒԾՈՒԹՅԱՆ ԹԻՎ 4 ԲԱԺՆԻ ԳԼԽԱՎՈՐ Հ/Տ  ԾԱԱՆԵՆ ԿԱՐԱՊԵՏԱԼ 14.02.2020

ՏԵՂԵԿԱՆՔԻ ԿԱԶՄՄԱՆ ԱՄՍԱԹԻՎ՝